

天真閣集

天真閣集卷十五

詩十五

昭文 孫原湘 子瀟

看雲出岫引

山中忽涌無數山眞山翻失青螺鬟天風吹山動若水欲出不
出松林間忽然飛去歷九寰山中之人招不還卻看青山屹不
動嶺上自有閒雲閒雲乎雲乎爾殊適莫被微風又吹出

簡竹橋丈

楚蜀傳聞未罷兵西南夜半角星明 至尊憂國頻籌餉諸
將蒙 恩各建旌安石才名誰薦起少陵心事自縱橫白頭老
眼西風裏日對江山誦太平

開府

槐江
尙書

兵威鎮武昌賊氛三楚斂披猖荆門久盼吳公捷海

曲曾傳呂母亡手足未妨殊出處心肝同是奉

君王料應

憂樂相關甚豈但忠貞勸鴈行

家居聊詠考槃詩鄉里羣推祭酒師豈是江湖成散誕每思天地共安危偶稱小疾辭流俗頻祝豐年濟聖時向曉晏清橋上望紫微星象曜天墀

海上謠

艤幢如山壓海頭黃衣耀日何公侯紅旗一展海水立礮擊居民屋如葉哭聲號掣動地來將軍夜宴轅門開倉黃點兵兵二
百彊捉磨刀去當賊賊船太大我船小望見賊旗兵已倒我我
巨艚是何官擁衛森嚴鼓聲悄居民莫怨武備無有刀不許誅
桂苻不見殺賊楊將軍乾隆年事手提白虹掃海氛銀刀浴海海
水赤生縛巨寇歸軍門軍門夜半傳軍號曰此良民不爲盜朱
卒高揭將軍頭萬姓呼冤賊羣笑從此官兵不海巡前車爭說

楊將軍縱賊居然作元老殺賊頭顱先不保洋山設兵亦已虛
山下賊過山頭呼近來更苦饑不具撤去屯兵讓賊據揚帆直
入不可當賊船塞斷吳淞江十日從容焚掠徧不會識得將軍
面西南風起挂帆歸笑指江南不足戰我船遙見帆影息將吏
纔收死灰色明日中丞打鼓來大罵官兵不捉賊

送李味莊備兵入

覲

瀕海巖疆坐鎮難六年旌節喜平安龍門變士無雙李虎帳談
兵有一韓威服水仙諸島靜名書 天子御屏看如何纔欲
趨 朝去便有風聲起揭竿

霹靂驚傳海上烽躬提幡鼓出從容慈祥肯受窮民懇談笑能
除逆寇鋒單舸惜仍亡道覆孤城功已勝山松一篇平賊分明
在裴肅何勞自奏封

退卻袞氛海甸澄朝天紅旆影飛騰 九重治行徵黃霸八百
孤寒要李膺民瘼定應親入告 君恩或許借頻仍東南况
慮重聞警一戰誰當克始興

重九日味莊先生招同吳穀人祭酒

錫麟何春渚徵士

琪林遠峯上舍

鎬褚文洲明經

華陸祁生高會平遠

山房卽席賦此

鼓吹纔聞畫戟回已看折簡吏傳催白波賊退行觴令黃浦潮
空瀉酒杯噉餅虛名慙末座題餽佳語逞羣才重陽難得重陰
解總是和風感召來

酒星歌爲吳穀人先生作

天上酒星吳祭酒夜夜酒漿斟北斗天宮枯坐無酒錢酒旗擲
卻來人間適逢長庚李太白

謂味莊先生

遊戲同時逃酒國朝傾百

檻夜千鍾勢吞海水無涓滴醉中忽聞海報傳白波狂賊來侵
邊酒龍詩虎一齊醒便點酒兵出奇陣手握力士鎗讀若高坐
糟邱臺監軍翹尙書參謀翹秀才洞天將軍劈空下青州從事
應募來賊聞醉鄉侯急思避大敵翹神西聖陰扶持頃刻戮之
如卷席海濱蕩蕩海氛息海水汪洋化瓊液釀王闢之大喜歡
便移酒星封酒泉加以天祿大夫號坐鎮酒海巡觥船祭酒上
書言臣不願拜光祿勳不願平原督郵相周旋但願一卮美酒
常在手勝把黃金印懸肘

雙管草堂與祁生語舊

一屏秋影瘦伶俜兩片閒雲海上停杜牧看花春草草劉蕡下
第鬢星星水搖蘆絮知鷗冷風起芙蓉帶鯉腥話到月低寒露
泣傷心人總莫來聽

康起山學博愷飲我

康侯不飲客爲我一開筵呼取月明下照人秋影妍海氛初退境天意尙豐年及此承平暇何妨且醉顛

安之以次女寄余膝下余字以仲穆而小女亦時時來窺朗慧可嗟不能無詩

左思嬌女秀呼出畫堂前婉婉清風族聰明璧月年寄生桑沃若俠拜玉孌然贊禮紅絲繡題名翠琬鐫情同春負羸贈乏夜飛蟬小妹尤纖妙而翁最愛憐窺櫺頻宛轉喚坐反還延鬪草低鬟墮星花笑靨圓慧纔教字母識已辨琴絃昭憲俱才子威裏定列仙桃看根葉並芳得意蘭妍臨別無他授班家訓七篇

戲贈如意

安之家小婢

乍聽心先喜玲瓏一顆珠聰明由主訓宛轉任人呼打怯新年

否眠能早起

無備用漢書語

纖纖小垂手最稱玉梅扶

蘭皋爲易名扶花

留安之家半月瀕行作歌奉贈兼呈蘭皋夫人

去年梅花香裏來海波瀉我紅螺杯墨花狂題素壁上蛟龍卻走驚雲雷春風催人作遠別長安無花有冰雪歸來自笑鳳凰饑安守何如鸞鴂拙故人貽我尺素書乘潮更訪南軒廬貧無一錢苦留客鏡臺笑脫雙明珠銀盤細膾雪色鱸玉壺酒罄牆頭沽四更鄉鄰看屋角炊烟猶出君家廚有時賓朋絡繹至爲客留客尤豐腴陸機和生少年何遜春老耐嬉跌宕兼林逋遠峯詩城酒鄉各風趣半月眞如一朝莫朝來忽憶東籬花主人堅留客辭去作歌留報君玉臺君家夫婦俱愛才兼收並蓄置藥籠黃金白鐵分爐錘安得朝廷宰相似卿輩盡網羣才一門內薦之

天子爵以位若者吏材若武備君今頽然四十老諸

生奈何便學開閣公孫宏

汪潯雲員外

梅鼎

治臨安三月拂衣歸養作琴養圖寄

意既奉太夫人諱服闋循例得京秩潯行出圖索題
爲援琴而送之

橫琴縣堂子來熙熙熙熙來歌衆母慈孝子曰噫吾自有母曷

不歸去來兮

解

歸來乎西疇華黍兮油油琴聲和柔兮母聽之

而解憂母無憂兮一琴以外兒何求

解

朝鼓琴兮侑食莫鼓琴

兮侍側千秋萬年兮母樂無極九鐘鳴兮五鼎列琴中之樂不

可易

解

絃聲兮忽哀春暉兮夕顏齒此琴兮清廟材步丹墀兮

鳴和諧何以報母兮盡臣職臣職盡兮母之德

解

送鮑凌客赴兩湖制軍幕兼呈吳槐江尙書

熊光

落葉蕭蕭滿洞庭送君孤櫂去冥冥三湘風雨青天失百戰河

山赤壁經秋後竹枝聞鬼唱夜深瑤瑟禮仙靈相思憶蘇門
客寄我汀蘭沅芷馨

楚氛如穽埽難清幕府秋高畫角鳴決策至今勞
聖主談兵自古重書生人傳露布于公異客借蓮花庾景行寄語荆南
羊叔子早銷金甲報昇平

味霞貽紅蓮米

紅蓮香稻報新成一飽思君夢轉清夜半江鄉饑鴈語蘆花
葉不勝情

李郎歌

味霞子驛十歲能作山水今年十三矣忽以兩巨幅
見投清蒼可喜余字以小霞作歌勉之

李郎十歲能畫山落筆勢已無荆關燈前塗鴉爲我寫破壁突

元青巘岼遠峯一層近一層摸之紙上疑不平若移山置郎
眼氣微力弱烏能登可惜郎小不出縣胸中祇識虞山面急令
踏破萬里雲盡捲蓬萊入飛練郎平莫言小技不足工後有石
谷王前望一峯黃公畫能成名勝富貴何必頭上羽翠珊瑚紅

洪稗存編脩

亮吉

由伊犁

赦還田里雪中過訪卽同

過竹橋丈素脩堂宴飲

凍雪壓簷白晝昏有客來扣袁安門客來何方自絕域面帶霜
威雪山色萬里生還不戀家遍訪湖山舊相識相攜同過吳公
家滿身抖擻玉雪花燒燈暖酒各痛飲朔風門外吹邊笳酒酣
手擊鐵如意自訴平生直言事臣無言職卑且疏烏能啓沃從
青蒲昌黎將進佛骨表鄒陽且上梁王書書陳萬言罪萬死幸
遇寬宏

聖天子但令荷戈入西域免使朝衣向東市冷山

使者洪忠宣嚼雪自拌十五年邊庭百日馬生角刀環便唱還
家樂生戴頭顱入玉門雷霆雨露皆 皇恩掀髯說到

聖明處淚落如雨飄清尊公自感泣人自笑喜聞 聖朝容
直臣座皆引滿爲公賀吾嘗幸作同時人夜深孤舟送客發開
門看雪雪似月笑指梅花凍不僵百鍊千錘直臣骨

夜紡授經圖爲蕭百堂子山母凌太君賦

斷杼盡荻古所傳今人何讓前人賢夫人早歲分鸞翼手撫遺
孤死不得貧賤身兼教養難一雙眼淚干心力大兒九歲能讀
經小兒三歲識丁兒勤夜讀母夜紡機聲書聲相應鳴城頭
紉如打四鼓門外寒風吼如虎兒觸屏風倦欲眠母剔殘燈淚
如雨大兒體羸小尤弱豈不矜憐忍鞭撻良人有後妾所知不
忠不育患不學一日不紡一日饑一日不學終身癡聲厲貌嚴

心則慈爲母爲父兼爲師轉魚墩邊老漁父四十年中事能語
朝朝五鼓起打魚認得蕭家燈與杼長君前歲歌鹿鳴次君名
滿江南城讀書燈火今如昔只少當時絡緯聲

寄題錢梅溪上舍養竹山房

山居翛然已殊俗况有蕭蕭一房竹不放芙蓉獨自青寒影碎
搖天地綠幽人閉戶方尋秋涼月自在山頭流半空蒼龍嘯寒
雨吹斷深林秋不語此時一掃萬慮沈以人養竹竹養心從來
能殺始能養芟除蕪穢青森森一夜龍孫迸蒼玉自署頭銜竹
司牧世間理亂百不聞日聽平安報虛谷

昭陽大淵獻

人日喜晴

炎炎紅鏡透疏櫺天爲靈辰特地靈四海剗瘳應掃淨一城猶

眼盡蘇醒春人妝愛梅花白寒士盤誇菜甲青今夜澹黃新月
下女兒相約看參星

春泛

畫舫烟波渺所思東風搖曳艣雙枝水含天影綠於酒歌入笛
聲清似詩貧賤始多閒暇日宴遊須及太平時雄心又對花爭
發愁向橫塘照鬢絲

觀水嬉作

搖曳龍舟西復東相逢蘭槳太匆匆水無深淺情皆綠花不分
明色轉紅十里簫聲雪蕩瀟一湖春影玉玲瓏詩人偏愛斜陽
好細數青霞向太空

秣侯

萬乘迴鑾馭千官儼玉珂白虹纏日角黑青見宮阿虎旅前騶

盛鷹揚宿衛多休屠王太子獨縛拜何羅

平當

丞相邦之輔如何有去心盛名空柱石老病竟山林國下憂時
詔人占旱歲禮似聞孔子夏黃開代爲霖

春愁

綠陰何事暗天涯春去難憑一手遮蝴蝶那知殘夢短烏鴉爭
噪夕陽斜萬言欲上空焚草一哭無名惜落花不信東皇歸路
好果然海外有人家

同鐵雲宿仲瞿吳門七十二公草堂語雨遶旦

四壁松風燭半檠依然三箇老諸生吟詩只付秋墳唱聽雨先
愁夏屋傾宮裏魚腸餘劍氣市中崔髮有簫聲閒窗消盡功名
想分付荒雞莫亂鳴

去年自東郡南下與仲瞿鐵雲子侃接軫連襪人以王
楊盧駱相比今鐵雲自揚州歸同寓仲瞿齋閣三人
語雨如魯郡東堂時獨少子侃耳作書招之久不至
寄以此詩

鶴背歸來鬢鬢船胥江重結白鷗緣星辰落落仍三友風雨瀟
瀟又一年宿酒有痕連袂認美人無夢對牀眠座中只少賓王
在那得媯皇補漏天

讀鐵雲黔陽戎幕諸詩題後

三千鐵騎一書生下馬題詩上馬行百戰奇勲歸將帥半張殘
紙抵功名旄頭夜落裊星影盾鼻晨磨瘴雨聲賦罷饒歌教蠻
女自敲銅鼓配蘆笙

六月戎車二月瓜歸來一水老蒹葭玉關生入餘青鬢銅柱詩

成少碧紗萬里班超幾絕筆三年王粲竟無家可憐力輓天河水不洗銀刀洗筆花

書仲瞿登州泛海詩後

蓬萊山腳放扁舟出九州看更九州奇氣文章中國少盡頭天地死人愁飄零童女三千粉涌見神仙十二樓此卷若拋東海水狂瀾一夜倒西流

法梧門先生寄仲瞿鐵雲及原湘五言古各一題曰三君詠作長歌報之

先生休休一个臣腹中便便萬才人何獨拳拳於此三窮民此三民者無所職上不能有三公輔世德下不能有三農服田力三管毛錐三斗墨饑來著書喫不得一民隱越山負薪學朱翁一民隱吳市賃舂如染鴻一民把釣東海東忙水傳自發太公

三民有時偶相遇哭無常兮笑無度喜非喜兮怒非怒世人不
知先生知其故不民之而君稱之思之思之寵以詩一人一詩
各異辭一詩一字皆吾師三民自得此詩讀公然鼎立如三足
入林商山不足四照水竹溪忽成六說詩聊分齊魯韓犄角敢
同吳魏蜀若將晉三軍不知誰卻穀若作漢三君我自居劉淑
前世或本范張陸今日儼如伯仲叔他生還作松梅竹三民相
別若相思各取先生詩三復

黃薺圖孝廉

五烈

移居圖

朱樓夾道紅闌遮東城不及西城華清渠當門綠野抱西城不
及東城好薺翁卜宅兼卜鄰素心大半東城人無多屋宇有庭
院半住梅花半書卷花香書香雜入來主人煖屋香滿杯花有
時開有時落惟有書中四時樂平江路西臨頓東書聲盡識黃

薨翁四鄰來聽熟滾滾不是尋常世間本除卻鈔書與借書更無人扣楊雄居城西三月花似錦不見薨翁笠屐影

陸甫元中翰

沅

杏花書屋圖

水天如墨漏春痕翠淺紅深裏一邨中有詩人香夢穩賣花聲過不開門

金閨亭畔雨絲絲四百紅橋觴一枝都被畫工收拾去邵菴詞意放翁詩

僻居

寂寥誰扣子雲居祇恐深山靜不如青史但溫前代事黃金難買故人書嵇康性僻交遊絕江令才窮筆札疏萬籟一空清夢穩亂蟬偏噪夕陽餘

吳兼山參軍

嶠

謁選入都選有期矣決然舍歸隱居北

山下邀余酌酒深語并贈二詩如韻奉報

帽影鞭絲觸熱天拂衣歸臥意翛然
旄頭未掃黃巾黨麀尾方
談白足禪邊鎮威名多宿將中臺樞要屬時賢如何脫屣功名
想翻是翩翩最少年

幕府風雲鬱賈終歸來清嘯入蘆中
聊尋漁父閒鷗夢漫說書
生汗馬功萬里裏尸先世節

尊人以縣丞從征逆苗卒軍

一瓢洗耳隱居風

與君且共高秋酌飽聽冥冥遠渚鴻

病瘡

秋來百病已相尋更苦炎涼二豎侵
兩信汐潮迎早莫一爐冰
炭戰陽陰愈風誰草陳琳檄嚇鬼
空書杜甫嗟如水益深如火
熱願天亟發拯民心

病中贈內

無端小極遂纏綿調護全憑德耀賢氣力已緣齋日盡心腸還
對藥鑪煎勸餐細揣甘酸味著肉能知痛癢先五鼓一家都熟
睡憐卿猶在病牀前

中秋

妬殺今宵月雲偏不肯遮老妻同寂寞兒女自喧譁骨出辭筠
簞心清受桂花如蟾光暫蝕依舊玉無瑕

病中聞竹橋先生之訃簡子佩

前年八月松阿歿今歲秋風喪竹橋從此木犀時候怕每聞香
氣淚先飄

一株喬木壞秋林病裏朝朝淚掩衾此淚不緣知己落青天識
我此時心

好友朱虛陳石都化去老成一二又凋傷滿城衰草寒雲裏願

得相持慟一場

驛柳

春來踈地盡絲絲此獨攀條慘客思青尙短時羈馬慣綠當疏
處畫鳥宜應同塞外勞人命難鬥閨中少婦睂一樣曉風殘月
下憐渠起早又眠遲

旁午軍書響掣鈴每攀濃陰一羈停爲迎客過腰常折不識人
來眼亦青雨雪易更寒煖候風塵難蔽短長亭何如移植軍營
外廣蔭貌貅十萬丁

刻鷺牆頭舞翠長身如傳舍閱人忙亂飛白雪征衣上虛擲黃
金大道旁一騎塵來遮去路數聲角動繫斜陽依依回首江南
好穩傍青帘拂酒香

極目烽烟斥堠通垂垂不斷舞邊風征人宛宛離腸掛老將蕭

蕭短髮蓬十里碧分郵上下兩行青認路西東太平會見勞形
息一面紅旗萬綠中

蘭皋自上海寄書問疾

瘡鬼炎涼態添衣又脫衣瘦軀輪菊挺饒眼看鰲肥之子音書
慰天涯會晤稀此心如海燕只是不能飛

九日同家人載菊泊慧山下

飄然身似白鷗閒人與花分舫半間逢入畫時隨意住爲尋詩
去不知還纖雲一朵分螺髻秋水雙彎學佩環他日紅窗作佳
話全家九日九龍山

菰蘆蕭颯雨聲猜曉起推篷曙色催黃葉如人初病起青山含
笑索詩來鬢雖插菊衰難掩手待持螯戒未開甚欲登臨腰腳
輾扣舷兒女共徘徊

卽目

靜如不動疾如梭
葉葉風帆接絳河
我看人家如此快
不知人看我如何

九月十五夜毘陵郡齋作

小榻纒縣病後身
一窗秋影碎如塵
無風自覺寒相襲
有夢方知睡是真
老樹著霜空骨幹
孤花含雨失精神
如何偏是離家客
偏見當頭月滿輪

贈溧陽史補堂孝廉

蟠

舊家瓊樹一枝清
客裏相逢眼倍明
好色未除才子習
工愁偏近美人情
樓臺侵曉雲爲夢
絲竹黃昏月有聲
贏得詩詞好標格
玉溪生又玉田生

訪稚存先生時先生主講旌德不值憶去臘風雪中來

游海虞同飲竹橋丈素脩堂歲未及期而丈已歸道
山不勝今昔之感次章懷洪兼悼吳也

萬里歸來襍被輕路人爭道直臣名鄉陽下獄憐愚戇劉向全
生感聖明驢背自稱前進士皋比還化魯諸生漢廷不久開
宣室賈傳如何策太平

謝公堂上雪紛紛訪戴舟迴酒半醺洛下自盟鷗鷺社蔡州誰
破鵝鵝軍神仙清福無多日賓主濃歡散似雲刻水他年重枉
櫂黃壚風笛不堪聞

袁筠亭招賞菊語舊

時袁官晉陵學博入賞爲令

繞屋盡秋色入門先酒香一官如冷水冷四季種花忙出處須商
畧交遊漸老蒼且同銀燭下懷舊引杯長

訪趙約亭學博基梁溪官舍因憶乾隆丙午八月與約

亭同寓秦淮時則有容甫淵如赤霞朗齋子和筠樵
諸君徵歌賭酒極酣嬉淋漓之致事歷十八稔容甫
朗齋筠樵赤霞皆化去淵如觀察山左子和官西轡
江南惟子與約亭耳而約亭老矣苑枯死生之感不
能無詩

一覺秦淮夢相看兩鬢華升沈大江月開落白門花事遠如懷
古官閒勝在家何時共飛鳥重嘯攝山霞

嵇天睂秀才

文燁

自秦中還卽送之潤州幕

花落出秦關花開策馬還邊塵餘戰伐風雨老江山欲棄儒冠
累終輸釣笠閒勾吳亭上月醺酒一開顏

戲詠門神

本是司閭料居然要路蟠侯封崇戶牖官櫟壯門欄圖畫供兒

戲爭獰嚇鬼難豈知嚴鎖鑰枉自肅衣冠執戟身何健垂紳體
更胖似兼文武職儼負弟兄官氣槩凌烟盛功名故紙殘雨邊
同面目一樣沒心肝左右司空對晨昏禁太寬五更還彊立萬
事總呆看斧鉞寧施用簪纓只美觀辭賓偏卻掃揖盜轉開端
題鳳人來笑登龍士仰歎當關狼自大虛贊狗憑鑽塵土增顏
厚苞苴儘面謾資緣由此進惡客幾曾攔翻任監奴狎難分寵
婢餐無言徒默守有缺敢輕彈椒酒貪年例瓜期報歲闌謾嗤
鍾進士後闌獨盤桓

遊慧山探若水洞

九龍何蜿蜒來自天目峯一峯一秀色變滅青芙蓉捫蘿履石
道剔蘚排雲封夕陽冷世慮黃葉脩寒容古洞隱淵壑積翠苔
花濃昔時有開士於此稱禪宗翻餅倒秋水別是一白龍天風

灑寒雪寂歷無人蹤

酌第二泉

寒泉甃深池方圓味殊別同原豈異美出坎已遜潔拗松煮瓦
鐺七盃果奇絕風吹肌骨清如灑滿身雪嘉名標第二創自陸
羽說未必他巖乳都輸此甘冽山泉異顯晦豈有工與拙遇合
聽自然君子慎清節

秦園

名園託真山古木繞寒翠清池抱圓亭倒影衆綠嬌亭臺眇無
多涉歷轉深窈穿林竹若迷回磴松欲墜烟霞弄古色禽鳥發
幽吹自具巖壑情足洗金碧累洛陽貴人園時卉五色備所患
老樹無安得清陰被橐駝種雖勤豫章計難遂君子重素脩樹
立恆自愧

哭吳竹橋先生

皇天何愛才遽奪賢者命令脩天上文勿顧世人行吾鄉競浮
華吳公最持正甄藻懸冰衡末流思仰鏡本初見子將屏卻車
徒盛子厚詣林宗自諱險害性嚴霜折幽蘭荆榛復紛競匪徒
風雅衰頗係時俗病矧觸羊曇悲爲吟嘯植詠公論與私情雙
淚一時迸

公如山中雲只作山中雨一奏明光宮翩然遂鄉土趨庭撫紫
華循陔擷蘭杜餘閒弄烟霞吹笙逸詩補恬真二十年揮手辭
寰宇長拋尙湖月清夢照千古湖邊桃李枝搖蕩春風苦歎息
林泉空誰爲脫簪組

昔從太行還投公詩一冊滿紙含清商氣類幽并客公讀興發
狂謂我今李白近時黃景仁伯仲此標格贈我青琅玕相期琢

圭璧平生知己恩，秋月照肝鬲。昨過迎春門，猶憶謝公屐。謝公
經行處，衰草不復碧。長嘯凌高臺，狂歌裂山石。就石碎鳴琴，還
以殉幽宅。

對酒忽不樂，尋公小湖山。湖波何宛宛，山影自娟娟。生時結幽
隱，買山愁無錢。詩覓蕩雲水，終古應流連。沿緣采芳菊，酌薦寒
溪泉。疑有清吟聲，蕭瑟菰蘆邊。美人不可見，流涕返鳴舷。

開我篋中書，公詩累千首。精神還山川，文章在人口。或摹東坡
翁，或仿杜陵叟。樂府尤清蒼，生處近石帚。興來賞巖壑，放筆龍
蛇走。詩成令我和，一日得八九。晚歲尤近道，珠璣落隨手。元氣
漲溟渤，噓納無不有。立言垂憲章，文質庶不朽。安得開公堂，重
把一尊酒。

十日不作詩遂與文字疏空齋坐寒雨搖筆心踟躕有詞只在口驅使無成書偶獲一二語又苦聲律拘物理自到眼思澀意有餘聊抽架上籍遣夢辭華胥初讀煩煩悶再讀稍展舒如饑忽得飽自覺心膽靡探喉發妙理華木皆起予遺忘舊墳典記憶如逢初始悟古學人休臥日不虛詞章易進退脩德將何如

讀少陵集感賦

公昔天寶初襄陽布衣子下璞屢遭刖投賦延恩匭艱難得微祿率府逍遙耳明年祿山反喪亂從此始作詩多苦音忠憤常滿紙語及君臣際一代足詩史生公千載後頗慕公意旨東南幸清宴流亡免移徙側聞秦蜀間盜賊亦如蠹將驕兵卒惰慳饌兼折矢天子屢下詔掃除淨劍刃如何甫獻捷又聽揭竿起籌邊及牧羊募勇或貸死至尊獨憂勞豈惟將帥恥

讀公至德詩事異勢畧似誰能賦長謠天聽豈勿邇

公孫宏

天子不冠見三公布被眠招賢人望繫背約主恩憐詐謝汲長孺陰排董廣川猶知爭卜式不計助邊錢

鷓鴣行

頸長喙銳彎如鉤碧眼射水魚鰕愁饕餮水族是本性豈知卻墮漁人謀提魚出水復入水兩翅拍張自矜喜翠鱗變作青銅錢垂翅船旁饑欲死明知捕魚不得食且爲漁人盡其力漁人識得貪性情使鳥任勞人享成莫笑鷓鴣愚彼鳥而戕魚不見弋人射雉用雉媒忍使同類毛羽摧

蒼鷹謠

碧空稍稍似風雨喧傳神鷹擊袂羽可憐墮地一饑雀半死半

生腸已腐主人豢鷹愛鷹俊鐵爪金眸得霜性繫以玉條綴以珠銷韞臂出雄姿殊要令搏擊人間不祥物青霄白日蹤影無胡爲使兔有窟狐得憑鵠鷗鷗交爲朋獨於小鳥示威武如此豈足稱蒼鷹不見決雲兒遠從高麗貢丹墀不見凌霄君駕前擎出眞將軍垂頭默蹇無一能搜身雲中愧此鷹鷹乎能懲空倉一饑雀城頭老鷗已膽落

蕭子山客吾虞十七年矣歲莫歸東將閉戶不出豈其鴻飛冥冥與抑歌黃鳥之章也爲召三數故人置酒言別申之以詩

冷卻元亭問字車舉比從此撤橫渠誰從穎士稱夫子我亦蘇門賦隱居歲儉人情爭謝客官多時俗漸輕書尊前且對簷花酌聚散如雲付太虛

採薪謠

風雪壓屋屋欲傾安得大木來支撐入山求木木未見但見鉤
衣棘履多榛荆材無小大貴適用大有時輕小適重有薪可拾
且救貧饑寒何暇求梁棟取婦必取佳取士必取才但須拉雜
供燒料枯枝朽質無棄材一回采薪一回積用之不勝徒無力
主人曰嘻吾計得薪高如山撐我宅烏虜此宅如何薪可撐徒
然堆積閒爾薪大木自在深山裏風雪終無采木人

阿婆引

東家阿婆仁且慈一日號佛十二時奴耕婢織百不問汝曹勤
惰佛得知大婦嬌饒妝小婦嬾下牀前門犢車進後戶監奴藏
但見阿婆來斂容肅衣裳阿婆問汝曹食食麤糲汝曹衣衣窄
屬平生不識金翠珠頭上蒿簪嫁時製阿婆大喜歡汝曹節儉

百事安貓觸鼎鼠翻餅狗上座狐嘯屏慎勿告訴阿婆聽阿婆
方誦梵字真金經

崇禎三年梅有序

招真治老梅四其一在道士房者繚以粉垣爲潛帥
使者寓室人皆從牆外遙望其頂嘉慶癸亥十二月
蕭子山將歸婁偕予及子侃就花賦別薄莫不能去
使者稍稍來就語頗不甚鄙導予入坐花下始得見
其老榦榦雙起偃蹇鬱屈以木承之枝覆於庭幾遍
少陵所謂亂插繁華向晴昊者庶幾近之使者自言
花時歲率寓此自冠逮今顛白矣視初見時高又七
八尺有老道士能言其先代某移植自某所道士化
去已三十年不復記憶其語但記爲崇禎三年也余

感花之貞壽有松柏之性故能閱治亂遺榮頤而獨
存世之摠情於得喪回惑於安危者愧此花矣以琴
寫之

花之古者松柏同忘情植性天無功雲深深山空空一百八十
年戴雪搖春風理亂迭來梅花自開烏虜此其所以爲梅也

盆梅

改盡羅浮真面目此生纔許謝冰霜不教俯首受金翦焉得輕
身登玉堂世外佳人自顚顚山中明月太淒涼祇緣野性無拘
束放得縱橫爾許長

樗蒲喻

高堂奏絲竹主人顏不懽良田萬頃水蕪沒襖童癯女食指千
如何不愁愁如何言狎客前致辭願且大快樂東鄰賈人子黃

金置高閣西鄰貴家兒明珠穿繡箔何以致之與之博彼錢飛
來充我橐明晨召賓客中廚辦華筵前軒呼五白後舍攤意錢
鄉鄰徐徐來錯雜不可攔阜隸傭丐爭得前主人歡喜爲別
五六等或飴以草具或飴以列鼎不以賢不以年不以後先視
其注錢之多寡以爲高下或博而覆勸之恢復或博而勝誘之
更進人浮地窄觀者如堵或但注錢不得一賭彼以博來彼自
彼利我抽其贏我自我計一日得十客一客擲百萬錢勝於一
州十萬膏腴田僮奴犯與帷薄玷與厮役扈養不得噉與垂頭
默塞不一聞但聞馮陵大叫聲囂紛吳歛越謳丹炙碧酒狎客
前致辭爲主人百年壽

湖中觀落霞

明霞蕩晴波光景兩奇絕一氣含空濛紫翠不可別此水本無

色能使五色彰苟爲一色染何由發清光霞亦借日華離日黯
無彩誰挽若木枝不令墮滄海桃花忽然落化作青螺鬟疑是
古桃園輓爲海上山

刻天真閣集四卷成

三十始刻詩四年得四卷便令至百年焉得萬首徧茫茫身後
名對此傷貧賤豈惟貲用乏兼苦心力倦初吟字不安屢改境
屢變及其鏤板成終覺心未饜赴道愧不勇割愛有餘戀兩字
存標題天機示真面不畏今人摘不畏古人見所畏非我心反
入後人選一念苟自矜五色恐迷眩不見竈下嫗雙目爛如電

關逢渾敦

元夕雨

一雨息羣動有燈無月華市猶爭技巧天已厭淫奢比戶入惟

醉閒街犬不譁閉門尋我樂春自在梅花

風雪夜赴黃浦

爲尋梅夢去兼訪似梅人一夜江湖白孤舟天地春橫空盤鶴
語深永起龍鱗明日春申浦應迷漁父津

上王蘭泉司寇

天憲中臺領上卿歸來七十尙崢嶸功臣閣有王曾像外國人
知白傳名凌土遍收湖海集論詩專取廟堂聲洛中不是空高
臥應有丹心答聖明

當年巴蜀佐元戎萬里蠻荒掌握中一箸獨籌無古法五丁未
鑿此神功子房帷幄龍韜在鄧艾風雲烏道通今日西師爭望
捷紫髯應憶老臣風

泊舟黃渡先寄滬城故人

梅花如逸士亦復似佳人誰得其真骨君應是後身乾坤此孤
權風雪又新春一夜相尋夢先過野水濱

紫雲樓歌

爲安之蘭
皋位儼作

何年片雲海上來結成紫氣仙樓臺海風吹雲雲不動雲中圓
佳仙人夢我生跳盪如雷顛彩虹逕踏升瑤天裏口紅塵一抖
落頓覺凡骨皆飛仙喚起星辰作詩語老龍出聽弄風雨長天
倒插畫檐前漏出銀河要人補雨聲壓春春入泥春心自在詩
中飛手持北斗灑春酒明日開得梅花肥玉簫玲瓏挂仙指仙
人一吹春不死只愁詩夢墮樓前跼跼輕烟化春水

擎珠曲

爲補生作

天公亂把冰珠撒大地都成水晶窟當筵擎出驪龍珠宛若天
邊墮明月月光冷射玻璃杯滿堂醉眼如星開玉盤圓轉果如

意那得掌上真飛來酒龍攪珠不定珠卻能馴酒龍性酒酣
更索琵琶歌大珠小珠一齊迸萬花各鬥花精神總讓珠樹能
生春拈花古佛且微笑何況我輩人間人蕊珠官事珠能記偶
然滄海來遊戲說著他生事渺茫偷把鮫綃挹珠淚珠不在佛
頂上亦不在仙掌中虛空懸宕尤玲瓏一照四海魚目空百金
買歌歌不惜千金買笑笑何值只有心頭一顆珠量盡珍珠買
不得

春燈夜醺曲

燭龍蜿蜒海上來使君夜醺轅門開九天飛下春滿屋春人翦
燈教春曲大燈如月空中行小燈如星縱復橫彩雲捧出百明
月月喜不高星不沒一星移千星隨一月走百月飛銀花萬樹
樹萬朵羯鼓催得春光齊春聲遏雲雲欲斷搖蕩春心入簫管

美人手勸金叵羅酒氣吹春拂人煖歌聲一闋酒一巡酒高一
寸春一分天公二十四花信未及此夜春風春歌緩緩酒波滿
歌促促酒香續使君千觴客百觴陽春走入壺中長春陰十日
龍掉尾門外銀河一尺水

題蘭皋集後

海風吹天衣蒼茫出人世神仙渺無儔詩情在天際朗抱凌虛
空一口吸秋氣寂寞身後名擺脫世間事

俞生琵琶行李味莊觀察席上作

生名諱
字春浦

生不願如王摩詰鬱輪袍奏公主宅亦不願如康對山有曲卻
對公公彈寧爲賀老供奉職不然明妃使絕域此身雖微終爲
國俞生俞生知我心爲我一彈慷慨磊落之清音四條絃十條
指絃生風指弄水細如雪轟如雷海月滿山花開仙人嘯邪哀

猿叫邪彼軍者譟邪一聲能引萬聲起八音并出一音裏初疑一指不著絃聲只在絃外傳又疑絃絲自繞指指法雖工不至此以心運指指運音指與絃化心無心英雄兒女無不有俞生身有千萬手攏撚挑抹無所拘俞生意中一指無衆人之目在君指君指分明在人耳令人悲令人喜令人震蕩不能已俞生此技真入神指能顛倒人七情秋非秋兮春非春人生苟不遇知己寧斷吾絃折吾指知己真能悅我聲此心甘向絃中死生抱琵琶如抱心幸逢使君能賞音官閒政暇一傾耳此意已抵千黃金一絃一聲聲一意似爲琵琶吐其氣一片酬恩烈士心千行感遇窮途淚座中賓客都酒醒但言琵琶聲好聽聲好聽心已苦指十條心千古幾人如生得所主不見劉蕡之文李廣武

調李味莊備兵雷滬城十日臨行畱別諸公

新年喜氣滿江東黃浦昇平樂事同
李勉政寬番舶至盧循兵散戰船空
一琴海水天風外十日花雲酒雨中
碧草萋萋泥滑滑六街猶未落燈紅

花南雪北路參差排日招邀酒不辭
俗富人情爭愛客官清僚佐盡知詩
且謀歡醉承平日愧負才名老大時
一角吳淞春水綠歸舟愁照鬢如絲

春溪把釣曲

滿溪春水綠可憐桃花如雲紅上天
遠山倒浸碧波底一堆春烟釣不起
人目在魚魚目絲人心動靜魚先知
竹竿嫋嫋尾潑潑翠荇一渦滄海濶

集飲翦水山房

鐵笛吹天天晚晴玉山呼取小瓊英鯨鯢海上清
霧鶯燕風前送好聲華屋半供過客住黃金偏爲
讀書輕梅花五百年開眼又見詞人顧阿瑛

寄謝呂叔訥爲先公撰墓碑

當代儒官兩惟君與實堂

貴君

道存無顯晦權重在文章落紙

明珠錯開緘血淚滂不逢歐永叔師魯孰爲彰

昔與先公友煌煌京洛遊飛騰無萬里慷慨共千秋死事卑官
漏賢勞絕域畱何時扣金馬補傳爲渠州

西溪返櫂

溪水如雲凍不開昨宵清夢一低徊滿天風雪寒如許不爲梅
花卻不來

春來

春來何物最撩愁。楊柳千絲拂畫樓。蜨意在花偏遠。鰕魚情樂水向深流。星邊玉李應難摘。月裏金波似可求。安得銜城仙洞。闌雙清穩占鳳凰儔。

天真閣集卷十五終

天真閣集卷十六

詩十六

昭文 孫原湘 子瀟

關逢渾敦

小羅浮仙館歌

梅花造屋詩人住白玉爲垣冰作柱就中一月一詩魂老崔尋
來不知處夜深香雪壓夢寒清氣一縷花中盤五更明月又飛
去白雲自守紅闌千頭上珊瑚膏下玉未及詩人洞天福年年
消受此春風莫遣玉龍吹怨曲

早春寄古雲襲伯弟京師次見懷韻

長安不可見落日動高吟兄弟山河隔兵戈歲月深生才關世
運厭亂識天心語短情難達音書況易沈

老我梅花裏看雲且讀書開門見芳草離思滿春初鵲印承茅

土龍旂衛 帝居久知恩遇重未敢諷樵漁

畫梅

新年無客到山家雨灑幽窗鼎沸茶最是稱心清絕事對梅花
恰畫梅花

觸手春生爛漫開勝如仙夢寄瑤臺此生天與因緣在除卻梅
花畫不來

寫出仙人萼綠華瀟湘烟水翦冰花人間無此消覓色一片晴
天弄翠霞

元章妙手不肯傳無人解畫羅浮仙偶然興到一點筆花壽又
增三百年

雨

江南二月雨瀟瀟落盡紅燈更寂寥一院墨陰濃似畫七條絃

水響通潮柴荒比屋炊烟斷米貴前邨酒望飄同是盼晴心眼
急女兒情事在花朝

花朝

天亦如人意今朝特放晴萬花生喜色百鳥變歡聲纖手紅綃
翦香泥綠酒傾玉樓應病起闌埽晚妝成

二月十五日卽事

香逕人稀蛺蝶通禁烟時候小東風水含山影難爲翠花近霞
光不敢紅金翦破春剛及半玉杯飛月恰當中清歡偏是無心
遇惆悵年時轉放空

飲吳氏古香書屋牡丹下

東風有意待詩人值我來時正好春三月百花誰是主千紅萬
紫盡稱臣翦齊絳蠟開珠箔泛滿金尊射月輪恰喜獨當卿一

面醉中彩筆倍精神

吳氏墓田圖

相墓視圖畫吾思張鬼靈千秋放水說一卷撥沙經過信成回
惑深求入杳冥人間風雨夜幽櫬幾飄零

心青館分詠牡丹

火輪

一枝紅焰燭遙天富貴從來近日邊飛下金烏光四射養成仙
鶴頂千年坐應獨占南方位春已先行赤帝權自笑玉川茅屋
破絳雲天姥降簷前

綠苞

綠陰濃遍洛陽城護定奇姿認不清貴客玉堂初脫白佳人金
谷舊知名是花是葉春風翦爲水爲雲曉夢行猜道箇儂睂畫

就黛螺微捻一痕輕

送春

遊絲落絮兩難禁
滿院東風一蹴尋
紅雨悄隨人影散
綠陰濃似豔情深
春蠶僵有重生意
蠟燭癡餘不死心
青粉牆頭高百尺
幾曾遮住夕陽沈

散花曲

色界情天杳不分
繞身花片當香熏
碧城飛下紅蝴蝶
認作麻姑五色裙
塵心如水隔瓊臺
玉笛吹雲冷不開
手撒天香下人世
誤他劉阮又尋來

華秋查司馬

瑞潢北山旅館圖

段家橋口水彎環
十笏雲龕鶴守關
幸是無田歸未得
一生占

住好湖山

菊徑荒蕪冷夕曛
西神山影遠招君
閒心一片誰畱住
笑指北高峯上雲

總宜山人歌贈趙翁

同淮

山人六十頭未白
平生好酒兼好客
客來對飲三百觥
客去陶然獨自適
繞屋青疇五十畝
日課丁男不勞走
秋來完卻十斛糧
盡付深缸造春酒
三月四月花出牆
東鄰西鄰聞酒香
扣門看花兼索飲
落花滿地酒滿觴
酒無論濁與清
客無論熟與生
相逢輒飲飲輒醉
此由天性非人情
總宜山房無不宜
宜風宜月宜雪時
宜琴宜歌亦宜嘯
不宜縱譚及朝廟
人生行樂須任天
曷爲戚促徒自煎
醉中一年如兩年
醉人五十抵一百
不見總宜山人頭
未白

秋思

曠焉而邈儔孤松乃吾侶晚節矜寒花斜陽共容與遙山淡天末美人在何許我欲徃從之瀾瀾隔秋渚

銀河篇

碧天蕩漾仙人雲秋河斜插魚龍紋銀濤驅星不敢吞枯槎漫發花輪囷波聲珊珊瀉空境美人清臚看秋影夢披紫衣鶴背來明珠歷歷捫三台幽蘭爲覓雪爲骨洗爾聰明古時月道逢神娥吳采鸞洞簫吹入天心寒嚴霜如沙灑背酷吐氣爲秋帶春馥襲得支機片石還風閃星芒鬼眼綠

荷塘曲調沈刺史

涼雲四面無纖塵水風搖蕩天機新紅霞萬點隔人境相看只有如花人烏絲欄紙紅絲硯美人管領騷壇豔花前旗鼓鬥清

新水榭筠廊都繞遍一詩吟就千花開未須羯鼓聲相催三十
六陂秋色滿冷香飛上毫端來香氣吹人開萬窠花裏詩情自
清妙只愁吟瘦沈郎腰蛾眉蹙損花枝笑

翁子書石室授經圖

國家設校官職在明人倫不析五經理何由明其真鏗鏘翁子
書秉鐸于海濱升堂聚生徒從容善陶甄退息石室中二子隨
恂恂長者既溫雅少者尤精神執經環向前疑義相引伸一一
爲指授領悟無因循古來傳絕業授受多家人夏侯及戴氏大
小俱天親歆向與昆軼父子如傳薪孔傳教二子庭訓時諄諄
長彥章句治季彥變省陳山來家學傳譬如數家珍行見翁氏
學父子書等身無雙許叔重紛綸并大春石室卽經苑心精照
秋旻會當致實用碩學明昌辰明倫遍天下坐使風俗淳毋私

一家言徒致陳亢詢

彭文勤公視學江左以張繼楓橋夜泊詩試諸生族人鳳洲四詩入選就詩意作圖呈公公立題四章還之時傳爲佳話鳳洲之子以冊來索詩

家有名士三十年空庭落葉心茫然素紉蕭瑟明寒烟筆外有筆秋無邊明月在地鐘滿天詩夢站站如溪鳶石芸靜護珍珠船勿任飛去輕雲顛

題美人冊子

妝罷誰能賞低徊自看真不知明鏡外如我何人明月如人面人還仰面看一天風露下清極不知寒柳色青如此飛花又一春東風晚寒峭愁殺詠花人莫怪能言鳥能言最可親從來不言者惟有息夫人

坐對分金線春光去不知未須怨遲莫努力繡春枝
有語訴明月篆烟心字長羅衣渾不染生小怕熏香
除卻女紅外時還讀我書綠窗聊送日匪慕女相如
摘得火前芽雪濤翻石鼎喜伺阿孃眠抽毫賦香茗
花陰閒壓簷花密樹周遭料是無人聽何妨調獨高
身臥梅花下清覓化作梅飛花渾不著蝴蝶敢飛來

紅拂

識李郎易識張兄難龍未入海龍猶蟠識張兄易識李郎難未
從龍日書生寒紫衣夜半出公府結納一龍與一虎酒樓道士
何足語何不令蛾眉見真主

紅線

曉角轅門墜秋葉美人手取將軍合魏博一軍心膽驚頭顱免

從金合行明朝軍門報奇事書合翻從潞州至兩軍解甲袞息
氛功成飛去春空雲

采蘭圖

蘼簾紙閣對調蘭道是尋常得最難我有皋魚風木淚題詩不
敢索圖看

呼龍耕烟種瑤草歌

萬事只知眼前好世人種花不種草道人種草不種花一莖玉
苗千年芽蓬萊山頭五色塊巨靈擘之不得碎道人驅龍如驅
牛碧空矯雷鞭不休石隨龍轉石性柔石縫自迸春雲流靈苗
插石如插水石皮鱗鱗長珠鬚根深下透與石融石色草色古
翠同苗盤屈曲如遊龍龍髯低垂拂翠叢十二萬年翠不槁道
人服之後天老騎龍上天獻紫皇下視九州花草春茫茫

李筍香光祿

筍嘉

招集吾園

吾園四面無牆垣，
槿籬抱水水抱園。
筍香主人性愛竹，
竹外無多幾間屋。
寧使竹鞭穿屋生，
不容屋礙烟雲綠。
我來十月剛小春，
隔竹幾點桃花新。
三月二月想更好，
桃花多時形竹少。
主人手斟酒一卮，
邀我看竹兼題詩。
詩成刻向竹皮上，
倒影水中詩蕩漾。
以酒澆竹竹愈長，
以筍下酒酒愈香。
酒酣呼來天上月，
爲我倒行不許沒。
月中飛下雙翠蛾，
公然借我詩當歌。
歌聲上穿碧雲破，
人但能聽鶴能和。
歌緩緩鶴聲轉，
歌泠泠鶴響清。
歸來忍寒抱月睡，
還夢吹笙騎鶴背。

春曉曲

三月二月水可憐，
桃花杏花紅徹天。
詩人起比白鷗早，
詩思已落紅欄前。
吟聲玲瓏欲穿樹，
卻被碧雲前約住。
東風吹得滿身

花暖香飛上新詩句幽禽竹裏恰恰啼宛轉來和詩人詩此時
千門上魚鑰美人紅酣夢方作

釣歌

雪蘆蕭蕭水波冷游魚自來啖花影釣魚志本不在魚嫋嫋一
絲風力引何如拋卻珊瑚竿手弄一溪秋月寒機心兩忘鷗夢
穩半池清水江湖寬

簪花圖

摘來香帶露華新安上雪鬟更絕塵高下入時心自覺莫將宜
稱問旁人
雙鬟綽約助花嬌小立風前勝步搖若使手持明鏡照自窺清
影亦覓消

荷花鴛鴦障子

並命鴛鴦並蒂蓮銀塘照影盡如仙
憐他翠鳥孤飛去不敢回身近水邊

屏風臥遊詩

羅浮春色

羣山抱水水抱邨萬花圍住雙蓬門
白雲玲瓏穿樹出中有一縷詩人覓詩情
最憶珠明洞夜夜寒霞入清夢尋遍茫茫四百峯
月明積雪春無縫

泰岱晴雲

萬峯插翠摩天門一峯更比諸峯尊
若非白雲橫隔斷青氣上合天無痕
丹梯一盤雲一鳴五十餘盤互吞吐閒從日觀挂扶桑
嬾去人間作霖雨

武夷九曲

清溪東流石拗轉水性自急石性緩化爲九龍勢蜿蜒吸霧噴
雲碎珠滿蘸影晴川古幔亭落日九點烟鬟青橫吹鐵笛作龍
語疑有神君在上聽

劍閣

劈開翠玉雙崖分石色積鐵蛟龍紋一雨秋空磨洗出銛鉞亂
割稍稍雲一夫當關萬夫敵過鳥欲飛飛不得劉郎有此外戶
巖面縛向人天失色

黃山松翠

黃山三十二芙蓉但有松耳不見峯白雲滃然漲溟渤蒼髯翠
鬣蟠虬龍我昔觀松至上竈奇境與此相髣髴歸來掩扉二十
年耳畔時時怒濤響

晴川黃鶴

玉笛一聲花滿樓樓前拍天漢水流仙人黃鶴兩無意芳草白雲相對愁王郎健筆塞世界不敢題詩卻能畫我緣欠此一登臨未了平生詩酒債

邊山秋雪

寒翠黯淡不可名黃雲愁慘秋無情邊牆一夜古月白萬條玉笏朝天明駱駝西來似山立雪花墮地沒過膝一關隔斷氣溫涼關內羣峯青律翠

荆溪烟樹

春風吹人畫裏行一溪權入千花明銅官山色翠如雨孤雲天外搖新晴我欲買田陽羨住料理漁竿置茶具楚頌亭邊屋兩閒開門自寫溪南樹

茗水

一條溪水如雲曲夾岸桃花間脩竹春暖鱸魚墜釣肥月明白
驚依船宿西塞山前一放歌鱗鱗帛綠上烟環便思泛宅浮家
去誰是潛名張志和

太白寒林

太白插天無際碧翻覺天低被山逼山頭老樹鐵作枝風吹上
巖寒雲直石坳積雪無四時望之玉粟潛生肌斜陽黯黯下林
表獨立惟吟祖詠詩

李小霞古木寒雲小景

翠微深處有人家曲逕層層古木遮如此寒雲天欲雪開門明
日看梨花

王石谷脩竹清流卷

琅玕瑟瑟搖天風綠雲蕩漾春情空幽人心與碧波冷不知世

有桃花紅蒼龍尋空作疏雨瘦石一堆秋不語此時詩夢落瀟湘仙佩應逢鄭交甫

春溪

拂面東風水一涯輕波間引釣絲斜遊魚戲啖紅霞影笑殺碧桃無數花

相馬行

駿馬在骨不在皮龍種不及駟與驪道人碧眼洗秋月眼入馬皮知馬骨萬馬隨方分作陣一匹花驄沒官印玉勒金珂不被身風鬣霧鬣偏神駿此馬日馳一千里日盡一石粟否則不飽力不足轅下老牛同局促世無此養馬人亦無此御馬力不如放爾平沙任游息七尺八尺空爾長金馬門前自有式

獨立放歌

鸛鵲比鸛單翼可憫叩叩負壓一足可哂不疲胡倚不危胡扶
惟形與影相得不孤淮陰無雙我思國士四海一人我慕鑿齒
太白呼月便得三人東坡照水可化百身下踏地輪上戴天笠
翛然遺世卓爾自立天外孤峯嶺上片雪單飛一雀不識雞羣

白秋海棠和陶生鐸

澣卻紅情露縞裝天生孤潔避羣芳瓊瑰暗泣絲絲淚冰雪空
迴寸寸腸白帝時光惟有恨素娥居處本無郎玉顏自帶離愁
色嬾向春風鬥豔妝

硯癖歌贈子梁

趙郎雙眼碧如水能辨端溪蒼玉髓中巖不及下巖潤正洞尤
推東洞美十年前已有九客紫肝青花蕉葉白近來所得數倍
之越是搜羅越成癖風吹葛衣雨淋幘平時一錢苦愛惜道逢

佳硯不肯行頃刻黃金手揮擲良材易得良工少大木還愁斷
而小瓦凹斂凸不稱意別出新裁琢磨好一硯製數月一日製
數硯興到卽爲爲不厭開門沈沈拒人見手割青天紫雲片韓
風子李處士碌碌彥猷奚足齒近時頗稱王秀君顧老後出亦
絕羣得君尤出兩君上一空古製徒紛紛趙郎趙郎片石亦足
傳何必磨礪巨石銘燕然

惲南田並蒂三花秋葵卷子

舍人家有仙人葩三花並蒂如一花南田一見謔奇絕渲出天
上黃嬌霞折枝圓勁腕有力一花正開一花側一花勢與兩花
背總向西風弄秋色離披亂葉細鉤勒葉尙無人能畫得奇花
百年見者少今日雙眸看儘飽畫後題詩三絕成割畫畱詩亦
堪寶我昨放櫂芙蓉湖家家翦秋入畫圖毘陵市頭日爭賣設

色猶稱煇家派甌香館筆真如仙令人陡薄熙與荃牆東黃花
耀初日疑是卷中花逸出

自題梅花硯

澹墨輕融紫玉池橫斜倒浸暗香枝春風乍啓瑠璣匣中有林
逋兩首詩

硤川煮賑紀事爲華秋查司馬賦

天災流行水滌頻補偏裒存乎人施糜不載荒政列行粥自
可月令遵歲在甲子與乙丑浙中饑民萬萬口天子已詔

寬租逋中丞更奏施升斗三十里一廠一廠列萬籌男子居左
女子右前者旣退後者聞或老或幼或廢疾妥帖位置分其流
雨風飄淋旣無苦婦孺蹴踏其何憂天明遙聞煮粥香十里五
里行浪倉十人五人相扶將主者冠帶察視詳分司事者左右

襄唱籌而進排兩廊傳呼行粥先上堂分曹各爲饑民嘗輒如
蒸酥潔如霜有噲其饑萬口忙萬腹已果神揚揚歡喜不復知
饑荒此舉未行議紛起事後方知事可喜妙筆真應繼鄭圖善
政還堪補周禮執事誰部郎馬佐者誰舊尹華中丞上體
天子仁大書特書示後人有人則治法不治不見硤石鎮頭惠
力寺

子夜曲

兩心如一心美人未能信願爲琴上徽歡自分明認
雙烟本一氣香在爐中燒願爲琴上絃緩急任君調

徐菊莊先生楓江漁父圖

楓落吳江冷孤舟蓑笠翁前身是明月生計老垂虹應召來天
上脩書入禁中玉堂清夢罷一笑五湖東

駕湖載月歌弔吳珊瑚女史

澄湖空明天作底孤蟾貼水飛不起美人清影落鏡中詩骨寒
憑露華洗此時萬夢酣紅塵不知世有清吟人推篷一笑看天
際亭亭素鳬原前身歸來淚落紅闌干佩聲輕飛入廣寒空餘
寫韻樓頭月還作湖心白玉盤

雜詩二首

落花從春風飄飄失所附茵溷雨無心汙潔觀其遇松柏有本
性歲寒益貞固芝蘭伍衆草猶能葆厥素人生如飛花所歷改
常度馨穢皆偶然升沈可勿懼

晴嵐淡幽翠雲水含空滋流水有時盡閒雲無定期乍觸白石
上已過青松枝天風吹不去意與春俱遲清暉能留人世事了
不知冥心縱寥廓塵網安能羈

蔣文肅墨梅卷子

梅有真性情宜放不宜束梅有真骨幹宜直不宜曲宜野不宜
城宜山不宜屋愈瘦愈精神愈疎愈馥郁世人愛梅花多昧真
面目取勢必偃仰選枝務蟠局豈知人工爲己失天趣足柰何
畫工畫多徇俗眼俗蔣公妙寫生胸有萬冰玉古法隨心通春
意信手觸倔彊致橫生不使一筆熟變化枝交加不使一筆複
筆外更有筆奇趣溢方幅畫中不似畫生香可盈掬初讀自記
語了了在心腹點筆細臨撫十不得五六寄聲畫主人催題無
欲速願乞一月畱不厭百回讀把臂王元章卻走陳道復欲學
楊補之先從蔣西谷

文肅
自號

題華指揮存松園

松爲其祖所
植園以是名

到門一樹翠扶疏道是高人手植餘顚覺亭臺都入古時聞風

雨欲凌虛龍鱗屢似神仙蛻鳥翼猶看子姓居嘆息蔣園松偃蓋兒孫無復識先廬

今言氏一松山房前明蔣太守以忠日涉園也

紅蘭

紅衷依然貯碧紗天風裁翦楚江霞湘妃幾點相思淚灑作人間絕色花

題隱園

只有秋雲綠幾堆勝如無數好樓臺玉山佳處足高隱金粟道人疑再來供養烟霞須老福經營水石亦奇才倪迂畫筆蕭疏甚生面看君又獨開

顧烈婦

輶轡中斷舊絲在此井可改心不改水能殺身完我名求仁得仁從之輕銅餅罷汲此深冷行人來看烈婦井

舟行紀事

野水荒涼浸短籬東阡西陌浪漣漪老翁百歲驚初見真有桑田變海時

邨落蕭條雞犬空水田渾不辨西東早禾晚稻齊漂沒尚有荷花得意紅

秋興

自笑無端作此行居然里長馬頭迎四圍綠野成湖海十萬蒼黎託死生積穀已空官府貸指囷應有里閭情睦鄰本是諸公事卻替哀鴻更一鳴

沿門託鉢老僧如猗頓家家欲閉廬善政卻嫌苛似虎裁黎無柰苦爲魚蘇張舌在愁空敝稷契心勞願竟虛一笑民饑何豫我總緣誤讀十年書

縱無風雨自淒清
高處看秋眼倍明
市糴方嚴商舶禁
官符猶放海舫行
澤鴻痛作波濤鬼
風霍驚傳草木兵
大好江南烟月地
頻年容易過昇平

北風獵獵卷空哀
滿目浮雲埽不開
萬里明駝重轉饒
百年閑客獨登臺
炎洲薏苡征軺入
西域葡萄貢使來
珍重美人千萬壽
南山遙勸紫霞杯

秋夜理琴

秋氣滿天地如何
不鼓琴萬聲空此
夜一爲寫予心落
落落石欲碎冥冥
雲易沈深林人不
到明月是知音

獨步黃葉邨

夜半瀟瀟雨開門
霜月明詩人踏秋
去長嘯與天清霍
毳古松墮琴絲幽
澗鳴雲中下山鬼
颯颯薜衣聲

對菊雜感

貧似楊雄自解嘲，替人乞食彊吹簫。
平生不作低眉態，當局翻看冷面驕。
已歎無烟連井陌，漫猜餘瀝到簞瓢。
黃花笑我輪陶令，五斗求人便折腰。

蕭蕭落葉下空林，萬戶寒衣急莫砧。
宛轉僅存溝下瘠，拊循惟盼邑中黔。
樂輸豈假追呼手，高義寧無緩急心。
愁對寒花翻一笑，願天速變作黃金。

花月謠

花滿江月滿江，花月映波俱作雙。
花如人月如人，兩情美滿江水春。
春江變作葡萄酒，月正當頭花在手。
春人嬉春年復年，鴛鴦只愛春江眠。
願妾如春花，願郎如春花。花枝捧月月倍華，花亦有時歇。月亦有

時缺與郎一心無斷絕將花種在廣寒宮將月挂在扶桑東月雖晝而常白花非土而自紅沙棠之柰木蘭船勝如乘槎上青天從君此樂萬萬年春花落復開春月缺復圓

聞諸故人秋榜報罷

秋氣樓臺罨莫寒桂花香界雨摧殘淮南雞犬飛騰易江上魚龍變化難啖後蔗梢同嚼蠟望中梅子枉流酸且須酩酊酬佳節笑把金英仔細看

馮仲廉贊

先生儒者而好談元先生隱者而豫興賢其品內方處物則圓其志勇退履道則先文掉鞅乎廬陵實繼軌乎震川翱翔於文章之囿絕意於孝廉之船未除夫書淫傳癖之習早謝夫周妻何肉之緣人謂其離垢絕俗而仙矣吾惜其立言希古而未充

於年

喜味霞至

船到柴門老樹迎，一身秋雨帶詩情。
山經我住雲俱嬾，琴喜君來壁自鳴。
舊識兒童顏盡熟，暫遊城市路偏生。
年荒酒味清如水，愁對簷花且共傾。

味霞偕盛蘭雪孝廉

大士

及其子小霞下榻心青館合

作冒雨訪友圖

諸君皆山人，來訪山中友。
山中多白雲，無心自相偶。
飽喫黃米飯，痛飲老白酒。
果腹各訢然，濃磨墨一斗。
初作澹峯戀，繼具遠林藪。
小溪殊自佳，老樹亦不醜。
忽然風雨來，烟雲筆端走。
烟雲變滅中，化出千萬阜。
不知何山頭，出自阿誰手。
我屋在崖邊，君舟在溪口。
圖中兩三人，亦不辨誰某。
或云高房山，或云黃子久。

一笑姑置之且酌酒盈缶

紀事

十行 丹詔下天衢頓覺窮簷菜色蘇縱引江河難濯漑何如
雨露遍霑濡原思爲宰休辭粟鄭俠流民合繪圖寄語種花賢
令尹受人牛牧要求芻

殘菊下用前韻

傲霜骨相任人嘲到耳如風自過簫無米難爲新婦巧有錢須
讓小兒驕婆心空託沿門鉢枵腹惟看挂樹瓢餓得人人比花
瘦邨莊兒女盡纖腰

野哭聲淒楓樹林逃亡邨落少寒砧卻聞豐稔連荆楚更喜烽
烟靖蜀黔秋稅已寬十萬賦宵衣還厯九重心要甦民困須
春熟盼到黃花似散金

伯兄獨立圖贊

頎然而長卓然而立玉貌春溫霜髯秋颯昔官西江如江之清
歷仕九郡郡有政聲量移汾陽一刺沁水來迎細侯去懷趙軌
清臚閃電能察秋毫以憂去職戴星而號歸來一慟遂枯兩目
杜門養疴隱几寤宿然而神識淵淳益深羅星於胸運鏡在心
昔登宦途不隨同列今居鄉里不附衆說出則獨行處則獨斷
事如蓬麻方寸不亂匪曰遺世匪曰離人特立樹操以全其真
能全其真以式後昆

書楊忠愍公張夫人代夫疏

吉祥善事寧有此夫作忠臣婦代死事雖未成志則爾一疏煌
煌播西市天河釣叟紫極翁沈香葉冠翊贊功燎原之火倒海
水小兒斡臥東樓東文管家武管家黃金留爵不肯除趙家兒

鄆家兒白日鬼蜮行其私除我瘍殺南塘比翟方殺同鄉下有
殺人子上事好殺皇椒山刺刺不曉事十罪牽連三王字一鸞
已困况百鸞風吹枷鎖傾城觀竄張經尾取上皆明殺諫官自
此始堯齋英明四海欽殺人反快姦人心幸遇鄒徐霹靂手射
倒高山射培塿可憐一字不成時二十七姬星散走不見蘇綱
息女代貴溪兩家不愧忠臣妻

書張江陵傳

相公隻手致太平天子拱手稱先生西開巴笮棘人拜南征羅
旁浪賊寧猶人首級四萬二千築京觀武侯銅鼓九十三面奏
凱聲朝中有此相將能將兵相將將九邊聞之悉膽喪李成梁
戚繼光聽公調度無張皇二十萬衆解散如牛羊十年相業國
富兼兵疆才大如天權獨擘忌者欲言言不敢大木纔看梁棟

擢羣兒遂肆蚍蜉撼帝遂保相公惱帝營造相公拗帝意積不平借公傾保來張誠紛紛東之與李植更遜奪情一疏吳中行報先生擢鼎甲惡先生奪諡法大工既建初政衰履聲橐橐申王來

書明神宗光宗熹宗朝三案

論理須論徹論事須論實紛紛三案聚訟多耶正爭持各有說挺擊比專諸移官比武后紅丸比之王莽酒論雖持正實失平未睹其事揆其情戚姬縱有寵欲圖立如意應諷讓皇辭或致房陵廢如何隔著承華門妄學莽何羅故事惠妃求后封李后挽帝回韓琦厲聲呼彥範正論裁椒房未正婕妤號安得章獻垂簾來大通續年藥柳泌換骨丹憲宗躁怒武宗啞無疾致死罪莫寬固應亟誅李元伯且合追論皇甫鏐如何庸醫妄藥罪

遽作大道進鳩看致令宵小議紛起別纂三朝稱信史小人借
題殺君子牽合封疆一網死清流之禍多激成黨錮白馬皆盛
名若非東林諸君過刻覈安得東廠鷹犬逾縱橫聖人不作理
如琴絲我援往事姑妄斷之貴妃雖寵后位久虛國泰庸奴安
敢易儲祿人之擊釁由祿書選侍咄咄意挾光宗匪覲垂簾乃
憤停封牝雞宜戒盍少從容從哲護短薦灼庇灼盾不討賊止
不嘗藥王金已事咎浮罪薄我定爰書當乎曰諾

詠錢

一火陰陽鑄月輪青雲化作滿鑪春權能厚俗還澆俗力可生
人又殺人翦紙半張堪役鬼傾囊十萬便通神矯情卻笑王夷
甫不許牀前阿堵陳

纖纖指甲印唐宮珍重開元半兩銅萬選易爲張學士一文難

借尉遲公坐牀撒去圍新婦壓歲分來躍小童莫怪河間窮姪
女終朝雙手數匆匆

爲伊顛倒六經抄誤把周詩別字教無藥可醫和疇癖有神難
解魯褒嘲富家一箇如山重蕩子千金作浪拋窮到橋頭人賣
卜三文也要拆單交

外圓何事內須方內若圓通易罄囊爲汝一生無少暇有人臨
死尙深藏尊崇合諱稱王老輕薄何容笑沈郎榆莢偶偷輪郭
樣隨風也想上天狂

相逢世上半蕭宏屋屋黃標願未盈散去一簪安得著積來四
壁盡將傾明知有汝身爲累其柰非兄勢不行堂下偷看堂上
客沛公錢萬呂公迎

田田荇葉水漂沈夢想三官作上林爲物最嫌人慷慨有緣偏

享福奢淫戲憑一帖從天借癡欲雙鋏掘地尋任是兒童纔上學箇中四字蚤關心

三朝墮地便應知記否金盆洗浴時百事爲伊都忍耐一籌常自費操持人非善射爭穿眼豹至亡身尙惜皮兩手不將通寶字市頭休想看西施

讀到羣書富五車孔方先遞絕交書慣堆多處推難去彊覓來時蹟易疏儘罵一文程不識誰分百萬馬相如學成半箇窮劉毅只是家無儋石儲

飛鳧入手氣飛揚隱隱牛聲出後堂任爾毅顏看便解得君難事儘堪商敢嫌猛烈銅餘臭能使彭孫足亦香莫向夢中磨滅盡卻聽鼯鼠數空梁

橫財六六鑄偏爐面有銀光點墨無子母兼權關我命傭奴看

守任人呼一方鵝眼鬚眉展萬里蠅頭骨髓枯聞道神仙須買路死留一貫在壺盧

補詠小錢

南來么幼儘通流磨鉛裁鉛更效尤風起直愁飛滿縣身輕正好上揚州貧能致富千鑑易官不嫌私一禁休凝絕會稽劉太守當時只選大錢收

情箴七首

盤古鑿混沌鑿成有情天雙丸跳不息晝夜相周旋情有滲漏處媧皇補其穿情有歆闕時宓義規之圓理以情爲輔情實居理先才以情爲使情至才乃全情者萬物祖萬古情相傳孩提不學能聖王以爲田

美惡至無準惟情所軒輊好尚雖不同用情有各摯兩心果相

悅凡質皆先施素意苟不屬姝容亦此惟勿笑嗜昌歎勿哂嗜
羊裘情只患虛僞而不患顛倒欲求情得正先制心勿偏美人
好必妍聖人好必賢

惟情至無量深淺不可測惟情至無形真僞不可識真者澹而
遠不在聲與色僞者甘以醴易使人見德或受一勺水誤以鯨
測深或被千頃波眠爲牛蹠潯曙影不睹心指迷安得鍼不懼
人負我懼負我知音

巨木易生蠹深情易生疑同心無彼我責報必過施彼嫌木桃
薄我訝瓊瑤邂逅恩意不分明中道多睽離欲使無睽離寧以禮
自持至樂聲必希元酒味必醺河鼓與織女頻頻無愆期惟其
不相見是以長相思

名花對俗流好書置高閣美人嫁邨夫駿馬供力作於我絕無

與慘慘心不樂況屬休戚關寧不感離索急讀聖賢書庶幾膏
肅藥開卷卽論仁濟衆務愛博此生如春蠶苦愛情束縛豈不
求退身所恐成繭薄

或勸我學佛刪除衆情魔豈知禪悅味牽引情益多無情曷慈
悲低眉度恆河無情曷歡喜微笑拈臨璫聲聞大迦葉金鑄跋
陀羅總持慧阿難咒攝摩登伽三乘悟因緣兩字意云何因是
情核芽緣是情繭窩

無情莫如鐵磁石能引鍼無情莫如石翡翠能屑金五行有生
克物理相制服矧此血肉軀本以情感觸子卿鐵石心乃生胡
婦兒阿瞞大奸雄乃贖蔡文姬在我則爲情及人則爲仁世有
理外事斷無情外人

和道華詠史

文君

當壚滌器兩風流一曲琴心是蹇脩青眼竟能憐犢袴白頭猶
望占鸞儔難消夫壻閒居渴足洗王孫過市羞臉際芙蓉眉際
黛不因放誕不干秋

文姬

塞草萋萋邊馬鳴自吹蘆葉當銀箏一身轉徙成三姓十載飄
零過半生名父可憐無後嗣奸雄却喜有深情遺書枉出纖纖
手未及班昭續史成

天眞閣集卷十六終

常熟劉光德局鐫